

廣東考古輯要卷三

形勢

廣州府連山北峙鉅海東環所謂包山帶海險阻之地也封域綿邈田壤沃饒五嶺以南此爲都會秦末任囂謂趙佗曰番禺負山險阻南海東西數千里可以立國佗因此霸有南越也晉義熙中盧循保據於此分兵北出江左震動旣而與劉裕相持於潯陽裕密遣孫處等自海道至番禺傾其巢穴循敗無所歸因以覆滅使裕計不早循猶得阻險爲奸其爲東南患豈有已哉陳蕭勃歐陽紀等先後據廣州而皆不克振者羽翼未成本根先撥也唐置嶺南經畧使爲五管之樞要乾符末黃巢假息於廣州而毒螫徧於天下天復初劉隱代有廣州恣睢南服且數十年宋之末造冀保此一隅爲一成

廣東考古輯要卷三

形勢

一旅之資而卒摧於強敵者事勢已去非智計所能逮也明初分道取廣東廖永忠以海道之師自福州先至廣州廣州旣下而嶺南諸郡亦望風款服矣蓋州不特爲廣東之根本亦制廣西之肘腋也

韶州府唇齒江湘咽喉交廣據五嶺之口當百粵之衝且地大物繁江山秀麗誠嶺南之雄郡也晉末徐道覆以始興之衆踰嶺而北幾覆建康陳霸先當蕭梁之季倡義始興卒平侯景唐皇甫湜曰嶺南屬州韶爲最大蠻越有事提兵踰嶺韶爲必爭之險也宋初潘美伐南漢拔連州而東進拔韶州韶漢之北門也於是漢人大懼美進拔英州長驅至廣州而漢亡蒙古南略遣降人呂師夔敗宋師於南雄進取韶州而廣東悉爲殘破明初命將取廣東陸仲亨自大庾而南入韶州

擣英德以西如破竹然韶之所係顧不重哉

惠州府東接長汀北連贛嶺控朝海之襟要壯廣南之輔辰大海橫前羣山擁後誠嶺南名郡也

潮州府介閩粵之間爲門戶之地負山帶海川原饒沃亦東南之雄郡也往者倭寇闌入則警戒東南姦宄伏藏則張皇西北郡蓋非閒暇之地矣

肇慶府帶山拱江延袤數千里據廣州之上游當賀梧之津要漢武帝自巴蜀發夜郎兵下牂牁江會番禺卽今西江路也梁大同中交阯李賁作亂以楊暉爲交州刺史討之命定州今梧州刺史蕭勃會暉於西江蕭子顯曰兩江川源深遠宋齊以來皆別置督護專征討之任陳霸先爲西江督護高要太守是也李吉甫曰端州當西江口入廣西之要道明初廖永

廣東考古輯要

卷三

形勢

二

忠等奉命平廣西亦由肇慶泝西江而上抵梧州蓋郡爲兩粵之要管東西有事此其必爭之所也

高州府據二廣之間爲交衢之地西北一帶山管盤互嵯嶇伺隙其間一旦竊發則東西俱病矣至東南皆距大海雖有沙帶限門之阻而水深潮平倏忽易達禦倭營堡不容少疎也志云郡控山濱海谿峒中聯爲水陸襟要允矣

廉州府南濱大海西距交阯固兩粵之藩籬控蠻獠之襟要珠官之富鹽池之饒雄於南服

雷州府三面距海北負高涼有平田沃壤之利且風帆順易南出瓊崖東通閩浙亦折衝之所也

瓊州府外環大海中盤黎峒封域廣袤二千餘里蓋海外之要區西南之屏障也

羅定州襟帶千里江山聯絡蠻獠盤據恃爲險奧蓋撫綏重地門庭巨防也

連州北接九疑西通桂嶺控郴永之咽喉爲廣州之肩背漢平南越一軍出淳水宋伐南漢自連州進克韶州國初陸仲亨以潁州之師由韶州出連州擣肇慶以西蓋介五嶺之口爲四出之途嶺南形勝斯爲最矣

南雄州當庾嶺要口爲南北襟喉秦王翦降百越謫戍五萬人守五嶺漢武平南越遣楊僕出豫章下滇水卽此地矣南漢置雄州爲北面重鎮宋末叛將呂師夔以元軍度嶺敗宋師於南雄遂取韶州舊記云州以雒名者蓋控帶羣蠻襟會百越嶺南氣息仰此一州也 五嶺之首曰大庾嶺在南雄北六十里與江西分險綿亘而西爲騎田嶺都隴嶺與湖廣分

廣東考古輯要

卷三

形勢

三

險秦王翦降百越以謫戍五萬人守五嶺淮南子曰始皇使尉屠睢發卒五十萬爲五軍一軍塞罽城之嶺一軍守九疑之塞一軍處番禺之都一軍守南野之界一軍結餘干之水或謂此爲五嶺非也漢書張耳傳秦有五嶺之戍裴洲廣州記五嶺大庾始安臨賀桂陽揭陽也鄧德明南康記南康大庾嶺一桂陽騎田嶺二九真都隴嶺三臨賀萌渚嶺四始安越城嶺五杜佑亦曰塞上嶺卽大庾嶺一也騎田嶺二也都隴嶺三也萌渚嶺四也越城嶺五也周去非則曰五嶺之說舊以爲皆指山名考之乃入嶺之途五耳非必山也自福建入廣東之循梅一也自江西之南安入南雄二也自湖廣之郴入連三也自道州入廣西之賀縣四也自全入靜江五也今大庾嶺實爲北面之巨鎮云

嘉應州東則有溪南都界溪循溪而入地曰上井程鄉上坑界  
屢爲盜賊逃遁藏聚之藪路通閩汀貨販不絕行者有戒心  
南則有萬安三圖馬頭山人郎廟今割附豐順等處路通三陽興  
長程鄉所必由時有藏聚剽劫之害西則有平遠腰古丹竹  
樓等處路通長寧安遠奸宄出沒與猺獞等王陽明剿服始  
歸化焉北則有鎮平石窟員子山鐵山嶂等處路通汀贛寇  
出江閩潛侵鄰縣皆於此嘯聚樟坑一處其近程之盜藪也  
舉步則入程界之石峰逕矣

欽州控臨大海制馭安南爲藩籬要防折衝重地永樂中兩征  
交趾皆自廣西之憑祥雲南之蒙自而未嘗以奇兵出欽州  
傾其內險故賊得以偷息海上則欽州滅交趾之要途也嘉  
靖中州臣林希元曾建議而不果有事交趾者安可後欽州

廣東考古輯要

卷三

形勢

四

而不謹歟